

ÚTILÍFSSKÓLI SKÁTA

Upplýsingabréf 1 til stjórnenda, 22.4.2020



Í gær, 21. apríl, birti heilbrigðismálaráðherra [formlega auglýsingu](#) um hvernig næsta áfanga yrði háttað í takmörkunum á samkomum almennings. Gildistími þessara takmarkana er samkvæmt auglýsingu **frá 4. maí til 1. júní**.

Að því gefnu vilja erindrekar BÍS uppfæra ráðleggingar til útilífsskólanna um hvernig sé gott að undirbúa starfsemi sumarsins. Starfsemi ykkar hefst ekki fyrr en eftir gildistíma þessara takmarkana og því er enn viss óvissa um hvaða reglur verða í gildi þegar þið takið til starfa. En við teljum samt best að skipulag ykkar taki mið af þeim upplýsingum sem við höfum í dag.

Við ætlum því að senda ykkur upplýsingabréf eins og þetta jafn reglulega og okkur þykir ástæða til fram yfir sumar. Þannig viljum við tryggja að þið séuð upplýst um þau mál sem snýr að starfsemi Útilífsskóla skáta.

Því biðjum við ykkur að deila með okkur öllum vangaveltum sem þið kunnið að hafa um ákveðna þætti starfseminnar í sumar sem ykkur þykir enn vanta svör við. Líklegast vantar öllum svör við sömu spurningum þótt við uppgötvim spurningarnar á ólíkum tímum. Með þessu móti vonumst við til þess að geta aflað og miðlað upplýsingum á miðlægan máta og spara ykkur öllum þannig tíma og fyrirhöfn. Hér skiptir virkt samstarf miklu máli!

Varðandi aðstöðu:

Á fjarfundi um útilífsskólann, 16. apríl, sögðu erindrekar skátafélögunum að þau gætu þurft að vera undir það búin að hafa starfsemi sína utandyra yfir allt námskeiðið. Samkvæmt tillögum sóttvarnarlæknis frá 19. apríl verður allt íþrótt- og æskulýðsstarf barna nú leyft innan- og utanhúss. Þannig áréttum við að **félög geta nýtt innanhús aðstöðu sína í sumar**.

Við vitum að sum skátafélög voru farin að skoða möguleika að færa hluta sinna námskeiða á útivistarsvæði í sínu umhverfi eða kringum þeirra skátaskála. Við viljum hvetja ykkur til að skoða það áfram fyrir stakar vikur í sumar, það getur verið mjög skemmtilegt að reyna önnur form í útilífsskólanum.

Varðandi fjöldatakmörkanir:

Á fjarfundi um útilífsskólann, 16. apríl, sögðu erindrekar að skilningur þeirra og annarra sem standa fyrir sambærilegu starfi væri að fjöldi þátttakenda og



starfsfólks yrði að vera undir 50. En samkvæmt auglýsingu og frétt á vefsvæði stjórnarráðsins „falla alveg niður takmarkanir á fjölda nemenda í leik- og grunnskólum og einnig fjöldatakmarkanir við íþróttaiðkun og æskulýðsstarf barna á leik og grunnskólaaldri“.

Því skilst okkur, og höfum við óskað staðfestingar á þeim skilningi frá ráðuneytum heilbrigðismála og mennta- og menningarmála, að **takmörk séu ekki sett á fjölda þátttakenda en fjöldi starfsmanna sem eru komnir yfir grunnskólaaldur verði að vera undir 50.**

Tillögur sóttvarnarlæknis frá 19. apríl eru að eftir 1. júní verði stefnt að 100 manna fjöldatakmörkunum.

Varðandi fjarlægðarmörk:

Á fjarfundi um útilífsskólann, 16. apríl, skildist okkur að gæta þyrfti eftir fremsta megni að 2 metrar væru á milli einstaklinga, óháð því hvort um ræddi starfsfólk eða þátttakendur. Samkvæmt auglýsingu **þarf ekki að gæta fjarlægðarmarkana milli þátttakenda en gæta þarf fjarlægðartakmarkana milli starfsfólks sem komið er yfir grunnskólaaldur og annarra** eins og kostur er.

Góð ráð varðandi þetta munum við koma fyrir í starfsþjálfun í byrjun júní.

Varðandi námskeið í júní:

Á fjarfundi um útilífsskólann, 16. apríl, var ákvörðun tekin um að námskeið fyrir starfsfólk útilífsskólanna yrðu haldin 3. – 5. júní.

Námskeið fyrir starfsfólk 17 ára og eldra munu fara fram frá klukkan 10 – 14 áðurnefnda daga og fyrir vinnuskólaliða frá 17:00 – 20:00 sömu kvöld.

Til að tryggja bestan undirbúning munu **erindrekar safna skráningu hvers útilífsskóla frá þeirra skólastjóra**. Vegna ástandsins óskum við eftir því að þeirri skráningu sé vel sinnt svo við getum undirbúið aðstöðu okkar vel undir þetta.

Varðandi strætó og ferðalög í sumar:

Á fjarfundi um útilífsskólann, 16. apríl, var greint frá **banni við ferðalögum hópa í strætó** og að óvissa væri enn um sumarið. Strætó hefur ekki byrjað að skoða

fyrirkomulag þessa í sumar né hvort frístundakort verði seld. Þau óskuðu eftir formlegri fyrirspurn frá okkur sem þau mundu svara.

Við höfum sent þeim þessa formlegu fyrirspurn og **látum ykkur vita um leið og okkur berast einhverjar upplýsingar**. Því ráðleggjum við ykkur sem áður að undirbúa ykkur undir það að vera mögulega bundinn við ykkar nærumhverfi í starfi ykkar í hið minnsta fyrst um sinn.

Varðandi aðra þjónustu í sumar:

Á fjarfundi um útilífskólann, 16. apríl, var öllum bent á að búa sig undir að geta ekki sótt sundlaugar, húsdýragarðinn, söfn eða fjölskyldu- og húsdýragarðinn. Samkvæmt tillögum sóttvarnarlæknis frá 19. apríl verða sundlaugar opnaðar eftir 1. júní með ákveðnum takmörkunum.

Þær upplýsingar var að fá í dag frá fjölskyldu- og húsdýragarði að ÍTR væri að skoða hvernig yrði staðið að þeirra starfsemi í sumar. Það væri viðbúið að hópar þyrftu að bóka tíma og fengu afmarkaðan heimsóknartíma úthlutaðan.

Um aðra starfsemi höfum við ekki upplýsingar að svo stöddu.

Við munum fylgjast með upplýsingum sem koma um eftirfarandi þjónustu í sumar og upplýsa ykkur þegar þær verða aðgengilegar. Þið getið beðið okkur að bæta við listann ykkur þykir þess þurfa:

Sundlaugar á höfuðborgarsvæðinu

Nauthólsvík

Árbæjarsafn

Fjölskyldu og húsdýragarður

Varðandi endurgreiðsluskilmála námskeiða ykkar:

Við viljum hvetja öll skátafélög til að setja fram skýra endurgreiðsluskilmála.

Í þessum skilmálum sé tekið fram hversu löngu áður en námskeið fer fram þurfi að afskrá til að fá endurgreitt. Hversu mikið sé endurgreitt þegar afskráð er nógu snemma.

Í skilmálum sé jafnframt tekið fram að námskeið geti fallið niður af fyrirmælum stjórnvalda t.d. vegna faraldurstengdra óhappa. Skilmálarnir taki fram hvernig endurgreiðslum sé þá háttað og hvort hluta gjalds sé þá haldið eftir.